

Nchi tzalaj Wel ex Lupe kyi'i chyu'i

Tqanil

Jun maj, atitaaq jun tal q'a Wel tb'i. Te laj ab'q'itaaq. Ex atitaaq jun tal txin Lupe tb'i. Ex te laj ab'q'itaaq. Najliqe'taaq toj jun kojb'il te Twitz Q'an Tx'otx'. Ajo kojb'il lu, nojni tu'n tze'²⁸, k'ul ex chyu'j²⁹. Aqe chyu'j nchi oq' toj tzalajsb'il junjun prim³⁰.


Atzun tal q'a aj tjaw we' prim, nximen kyi'j chyu'j. Aqetzu'n chyu'j atz najliqe' twi' tze'. Aj tjaw tx'emit jun tze' majx nb'isun q'a. Tu'n tpaj nchi el oq chyu'j. I pon chyu'j toj jul. I tzyet tu'n kw'al tu'n kyxi' tk'a'yin.

Tzaj Lupe xi' tq'uman te Wel. Mixti' chex tk'a'yina chyu'j qun nim kyoklen qe. Mixti' okx tuj twi' Wel noq jaw tze'n. Qit ttzaj tiq'i'n jun kykub'el chyu'j. Pon Wel tuj k'ayb'il. Mix a'l jun xjal loq'in kyi'j chyu'j. Qu'n nim kyoklen toj kychwinqlal. Ok ten wel oq'il tu'n mix a'l loq'il. Aqetzun chyu'j b'e'x i tzaqpaj.


²⁸Aju yo lu axju: tze.

²⁹Aju yol lu ax tz'elpuna: ch'it mo pich'.

³⁰Aju yol lu ax tz'elpuna: qlax.



Npontzun Wel tuk'il Lupe ex nq'ojli xi' tq'uman: tu'n
tpaja nti' xi' laq'o'n nchyu'je chitzan. Ntzajtzan
te Lupe: Wel mi' q'ojina aqekye' tal chyu'j nim
kyoklen qe. Aqe' nchi ok te k'asil qlax. Chjonte tu'n
ma chi tzaqpaj chyu'j tu'ntzun kyxi' twi' tze'.



Nqo ok yupj, nche'x Wel tuk'il Lupe ktal. Te prim toj
juntl q'ij nchi oq' qe tal chyu'j. Ate'taq kyuk'il txqantl
kyuk'il. Xi' tq'uma'n Wel te Lupe: chjonte teya.
Mixti' ok tuj nwi'ya. Ax tok, nim kyoklen qe chyu'j.

Florinda Paulina Macario Ramírez
Concepción Tutuapa, San Marcos

